

徐
猶
庵
集

書

徐孝先詩序



土以博厚生物而石特峭确峻嶒履之者若可
畏江海汪洋逶迤灑灑之水則峻仄而悍聖人
以和平感人心高人義士多豁刻峻隘而不平
詩尚溫厚不平之言則于世動有所傷于身若
無所以自容此其天性所自致抑又時為之也
杭州孝先徐先生危言危行孤行其志于世者
三十餘年自壯歲不復婚棄田舍獨身寄食寢
于諸友衣布敝衣著麻布帽不交當世其富貴
人即言論不肯一及好飲酒工詩、多年壯以

骨力勝而不乏風韻憤鬱痛激之言十居八九自以為性情褊隘欲借古人詩以自陶寫為集陶集杜若干篇既成則與孝先所自為詩如出一手吾故曰天性所自致抑又時為之也孝先疾惡嚴易見人短面斥人、以此畏之然其獨行皎、表裏無所虧故被孝先罵者亦莫不服孝先孝先不輕出閭里前年買舟特訪予揚州今年又來吳門視予疾、平因屬予序其詩而予并道其為人如此寧都魏禧叔子題

貞白齋詩集引

徐子堅石性耽吟咏猶唐張旭之嗜草書凡感憤悲鬱嬉笑怒罵無不於詩焉洩之寓余幽居幾二十年見其揮毫展楮殫精研思靡間昏朝終始如一日也所著諸體皆備惟五七言短律為最五律寔勝七律夫五言長城古昔非乏作者若七律沉鬱蒼涼少陵之外罕見倫匹崔顥李頎諸公未足方也古風次于律絕句又次之七律饒有風致五絕微少遠情六言韻折律流麗工練結撰遶承尤人所難至于析集三百

篇陶淵明杜子美文、山鄭所南諸什皆獨出
機杼慘澹經營滿志會心悉如已作雖原詩不
無累句一經裁製辭意頓新不特近難其比求
之前代鮮有及者諸詩用事必確言情必真字
不虛設句不泛成昔人稱杜為詩史今余于涂
子亦云幽居第施相識

徐子狷菴傳

余年八歲遂識陳子惕非自幼而壯以至于老
凡六十年、三十九始交徐子狷菴于今四十
年陳子長余六齡徐子則少余三齡二子者余
皆奉為畏友惕非性至和狷菴至介而不佞全
可在和介之間三人者各不相非也屈指素心
零落殆盡惟三人者之僅存而惕非狷菴皆無
子願及其存也稍識其生平梗概二子固知余
余不足以知二子且慚不文以辱二子也
陳子
另有
傳徐子初名孝直字孝先更名介別號狷菴父

尊園先生諱灝崇禎甲戌進士任武陵令母陸
甫生猶菴而身殞鞠于後母陸、視猶菴不異
已子故猶菴事後母亦如已母幼穎異武陵公
督課嚴學以蚤成、童為諸生與仲敬與競奕
亡何武陵即世不數年而血腥帝座九廟頽頽
又不踰年而淚灑新亭河山頓異猶菴兄弟于
是奉母棄家棲遯湖濱亡何母陸遽歿猶菴兄
弟持喪力行古道余識猶菴兄弟于衰絰之中
旅殯淒涼敬輿繼逝較社之哀未解在原之痛
方新人非金石何以堪此猶菴既罷經生業從

西泠諸隱君游肆力為古文詞而尤工于詩三
十年以來積數千篇久而益工猶菴之所為詩
大抵抒其悲憤傾其懷抱生平勁節正氣盡見
于詩而海內賢豪忠義之士之同調者亦無不
備于詩故能讀猶菴之詩者即真知猶菴之人
殆無一篇一字之不發于性情也猶菴中歲喪
偶無子兩弟先後死弟子數人亦未嘗以嗣續
關心惟是武陵君暨兩孺人三柩未舉為恨久
之卜兆計籌山楸土成墳自此一身如寄即旦
暮死歸骨先人墓旁足矣自乙卯以後不歸故

鄉大概托跡友生之家及縉羽精舍晚入河渚
築一室于幽居之左而寓焉幽居者施子石農
嘉遯之所渚之南為北山、沿溪十里一望皆
竹而環渚皆種梅每歲花發時四方高人韻士
多集渚中捐庵與施子放舟載酒曲折循溪留
連花下杯琖既罷詠歌繼之盡花之開落以為
常二子尋梅唱酬之詩積之亦不下千篇二子
者皆逃名遠俗之士願施子未嘗絕俗、之人
亦樂就之捐菴視俗若將浼已去之惟恐不遠
而二人白首同歸相得益彰蓋志潔行廉其道

同也海昌友弟許全可拜撰

徐子捐庵後傳

徐子捐庵年四十以前多寓許子悔齋家故悔齋所作捐庵生傳獨詳四十以後寓余家久三十年晨夕相聚遊處必偕故知其生平尤悉因補其遺為捐庵後傳合而觀之庶幾得其本末云 徐子名介字堅石別號捐庵早歲即以文章自豪翩、華胄亦嘗留意聲色間矣自遭喪亂一切屏去棄家旅寓葛巾縞素終其身人見其白衣冠類有喪者而疑之間入人家絕不變服多怪之者或曰捐庵孝子也父母未葬而衣

不改素然既葬而不改如故蓋自甲乙以迄于
戊寅凡五十五年如一日則無論識與不識者
咸知其不忘故君之志篤也狷菴性耿介不和
于俗然篤于友誼有緩急輒以身任不辭有友
人緣事繫獄非死溪顧景范不可解而非狷菴
不能致景范景范適主于顯者之家狷菴絕不
樂見顯者急友之難遂不遠數百里買舟而往
比入境不登岸一介招景范至河澚立設得聊
城一夫而友人事立解景范之主人夙慕狷菴
聞其至亟造舟請謁已解維適發其人曰此所

謂名可得聞而人不可得而見也嘆息而去紫
雲何商隱先生與狷菴交最深商隱邃于理學
為浙右儒宗而狷菴以志節行誼重于時不耐
理家言然相視無同異也狷菴無子身後無遺
累商隱無子則多門內憂懼家有元光剝蝕殆
盡既棄家而隱于山中歿之後且不能保先人
之一坏而妻妾相繼死于冤憤其故交門人及
三郡慕義之士發憤而訟之官當事者無不高
何先生之風而嘉三郡人士之義元光既正歟
卒且為何先生建祠墓所而先生之體魄永奠

九原遠近人心為之大快當是時狷庵以皓首
獨行之身不憚抗孤掌裂雙眦日扶服道路大
聲而呼四方聞風感奮相率而鼓其氣于終始
勿懈云狷庵固剛毅而近褊隘不輕許可人苟
非其所願交雖欲求一面假片詞不可得又放
達嗜飲酒後每遇人有不直必面折之人亦不
怨性耽吟咏撚髭握管靡間朝昏予嘗規之曰
日月易流精神有限子年過半百盍收斂以從
事于身心之學而窮年耗于聲律奚以為狷庵
雖心然之然至性所發一出于詩故自所賦古

近體長短句數千篇而外又集三百篇若干集
陶靖節杜工部各若干集文文山鄭所南各若
干其自甲申以來痛宗國之久淪傷人事之日
非悲憤抑鬱盡舒于詩而有所不能自己故讀
狷庵之詩者可以知其人論其世矣自庚戌之
冬狷庵來河渚愛其風土予即幽居之左梅竹
之間築一室為狷庵寢息之所狷庵樂之題其
室曰竹廡居十有五年予緣他事棄幽居歸湖
墅故廬仍邀狷庵館後園之玉照樓又十餘年
而予復不耐囂塵仍偕狷菴入河渚自謂可以

樂餘年不意戊寅八月望捐庵猶善飯應賓客
少頃忽不能語扶就榻而歿上升已不可治明
日子時長逝矣憶昔捐庵將為東粵之游別予
詩有莫訝歸來晚相依畢此生向豈期竟為今
日之讖也傷哉予曾孫士鑿從捐庵受讀五載
督課嚴密方冀小子有造乃中道棄捐而去更
增我于邑也歿之日同人協力治喪而棺衾之
屬沈子劉雯獨任而豫治之用意良厚且周此
友道之所難愧予貧不能相助也踰月祔塋于
計籌山武陵君墓側以從捐庵生前之志一時

白衣冠而會送者莫不哀哭失聲沈子劉雯懼
其久而湮也勒石以表諸墓四方志義之士米
拜于墓者依徊宿草嘆息泣下久而不哀嗚呼
是足以見捐菴之生平矣捐庵沒之冬仲弟敬
輿之子漢傑自燕山歸援大宗不可絕之義自
請為伯父後捐庵棄家既久無一椽寸土之存
殘書數百卷及敝衣敗器予偕其門人金生檢
點籍記以授漢傑嗟乎善讀父書永保先墓以
慰泉下之志予於漢傑更有厚望焉

新樂府

公祈死

孝廉元岵張公暮年多感意忽忽不欲生屬
其知交數輩預作輓歌夫不死惡乎輓不祈
死惡乎預輓則祈死者固公志也昔范文子
令祝宗祈死其情則憂信陵君日飲醇酒子
婦人祈死其指則憤而托于達張公之不欲
生大抵不離憂憤者近是豈徒以達人自居
也于是徐生為作新樂府歌之曰公祈死
東海之濱其水瀰瀰爰有張公避世棲遲

髮通經術材氣伉爽多奇文章推雄伯世儒徒

小兒解二煌、京師計偕北向頻驅馳射策輒報

罷壯心未已歛恣艾與耆解三老至寧足歎所傷

天運移日月久淪晦風塵久磷緇解四人生貴得

志得志復何時但當入山蹈海餐薇采芝雖生

亦奚以為解五從此杜絕人事蓬蒿沒徑俗客詎

敢窺下惟耽著述殫精弗衰解六翩、者阿誰頭

戴曼胡纓身被短浚衣妄語竊笑謂乃公不識

時變自令困阨若斯解七公則咄咄悲憤嗟咨丈

夫年踰七十蓬髮皓首不死將安歸鬼伯幸相

促河清難與期解八達我陶令臨終作詩維昔田

橫門人奏曲空戲敲叩須我友援筆擬此辭是

可賀也而奚弔為解九其匪惟我賀將二三君子

同之故國遺老旦暮從地下庶幾稱全歸吾徒

尚視息甕生良足嗤嗚呼噫嘻公真祈死安可

希解十

伊誰思懷見石也

伊誰思在雲間有孤鴻矯、振羽翰北出上谷

塞南度衡陽山我欲附其翮凌霄同飛翻引吭

吐清嘖暫去當來還携爾遊杳冥飄飄絕塵寰

一舉忽千里目送徒茫然
九夭、高雲復蔽無因相
轉徬徨躑躅長愁煩翩、
者鴻離哉翻被雲來
下何足難伊誰思道路艱

五言古詩

簡沈隱君

閒居意不愜愴烏有所思
佳人渺一方會面無
常期容顏漸銷歇日月寢
已馳離羣易為感悠
悠使我悲念君執志節細
行能不虧磨涅固所
遠何况磷與緇高流易噉
名謀食亦委蛇願共

素心人保此寒與飢

南山述哀之作

予後母仲弟皆殯山下張氏莊舍

伊子來南山輕舟遡湖涓
朔風揚寒波陰雲覆
層崖靈曜奄西逝流光何
熹微登立步躑躅入
門中心摧殞宮集流塵靈
輜結網絲瞻顧含哽
咽徘徊增余悲音容竟已
矣魂魄當在茲蓼莪
罷昔咏荆樹析故枝天倫
遭荼毒生存空爾為
哀哉勿復道淚下安可揮

雜感

迢、明河水牛女遙相望良
匹不易偶獨處斯

其常交甫逢漢妹。宓地感陳王。寓目渺難即。影滅徒勞皇。秦掾篤故歡。荀粲娛專房。邂逅非其儔。三星黯無光。錦衾自燦爛。蘭室空芬芳。孤居未足悲。錯迕生憂傷。錦水有鴛鴦。瑤樓有鳳凰。交頸永栖宿。比翼同飛翔。

與沈子魚呈其父叔二隱君

吾徒耽棲遲。古處抗高妙。結侶向林泉。晦跡寄耕釣。二難迫殊倫。一門並埋照。之子振芳塵。脫穎更年少。裁詩何清新。論文得體要。藝術專家遜窮愁。下士笑西岡。欲采薇東臯。還荷蓀嗟予。

蘆中人偃蹇。本同調。托足吳市間。矯首越山嶠。難揮魯陽戈。且作蘇門嘯。途窮發深慟。酒酣恣狂叫。學書愧疎拙。嫉俗苦剛峭。因貧誰復逐。沉憂詎能療。與爾長和歌。罷泣相相吊。

和梁元帝春日詩二首

春光一何美。春氣併相宜。春晴雲澹澹。春永日遲遲。積翠春山明。浮綠春江漲。嬌鳥向春啼。好花待春放。春色感春情。春愁一殺人。春催芳草碧。春逐柳條新。怨此春郊別。酌彼春醪頻。惜春儂自知。傷春歡自離。體怯春風厲。淚對春宵垂。

寄語春閨女尋春當及時

春月烟景麗惜春作春遊春園桃李發春堤士
女稠春衣艷白日春粧映碧流逢春易生感送
春空相思新鶯春對語乳燕春雙飛腹斷三春
夜情結千春期春宮旋好怨春草王孫戀早惹
風雨淒殘春時物變春興何消搖毋為春思勞

奉壽柴母沈太君五十初度五首

表舅式
穀先生

續配

攝提指孟陬條風解嚴返耕寔爛丹霞梅華漾
玉露女貞何惹青亭、此孤樹植幹無榮衰綿

曆非旦暮

嘉禾固後凋令德自難老誕降感夙符篤生契

蒼昊

相傳太君即前
配後身有徵兆

長生信必得淑問矧所寶

王母徒杳冥上元何足道

平陵崇婦順東海垂壺儀夫子樂良匹宛若欽
女師百行表典禮四教彰門楣俯嗤林下風迢

叶河洲詩

弱笄標懿軌高門揚休名陶嬰悲早寡穆姜撫
前生端潔婺範立肅溫慈教成含飴育孤穉茹
浚安清貞

緬茲松柏質永享金石年
珈翟未足榮班管宜
共傳小子愧不文短章難為宣
惟願千春期長拜賢母前

早出湖上抵鄴河有作

濛、山上雲泛、湖邊水、流各東西雲起任
行止我本羈棲人飄蕩誰為侶
昨者宿城闈今且發鄉里徘徊道路間
悲歎何能已

王聖翼五袞生辰屬贈

五月薰風飄微芳扇蒲艾繁英爛堦前
艾雲吐嶺外是時君子堂翩然集車蓋
錦筵簇華鐙金

盤出鮮膾絲竹何冷、吳謳激清籟
酒進千杯觴客從四面舍高文自紛綸
名什滿雕繪雅度本夙欽博濟矧所賴
長授子喬丸如隱君公僧知命復奚疑
樂善亦云最仁者壽必得茲理當未昧

叙懷

少小自壯心落拓希大度家居擁遺經
世治騁高步坎壈遽若斯困乏豈無故
笑予仍踈狂生產非所務欲歸三逕荒
孤跡久留寓擔囊有殘冊發篋餘窮袴
錢刀良獨難溝壑固其素荏苒

二毛侵年華易遲暮長夜正漫、眺迥積烟霧
夢敬輿

夜坐意不懌擁衾卧匡床輾轉畧成寐神魄如
飛揚仲氏忽入夢恍在湖山傍幅巾與蔽袍行
歌以倘佯頌我列樽酒強飲不盡觴促膝共語
笑分手翻倉皇形影杳難即驚竟摧中腸仰視
鵲鴝飛離合亦其常奈何一為別邁會空茫、
天道久冥昧人命甚朝霜九原終同歸相見焉
能忘精魂結哀感揮涕成此章

邊塞曲

虜騎集龍城秋高笳鼓鳴塞下黃塵合天際黃
雲平吐吐漢李廣轉戰陰山上雲盡沙塵稀雄
風發長想

撫昔

少壯任偃蹇撫昔嘆蹉跎振衣出幽巖濯纓臨
清河一身安所托四望傷如何采彼薇與苴行
行自成歌

咏志示山中俗人

河清信可俟流光無迨巡撫景悲疇昔肝鬲難
盡陳感憤詎易忘沉冥得其真後凋慕松柏植

節多苦辛吉士雖善訪好女寧懷春十年而後
字蚤暮同失身所以采芝客商山終避秦

哭屠二肇郎

死者易以疎生者易以親生人遽死別欲親渺
無因憶昔與子交荏苒歷五春夙志耽詩史弱
冠懷經綸閒居習武畧仰觀窮天文氣誼既已
合風概迥軼倫齊願比金石久要奚足云期為
汗漫遊重跡忘苦辛盟好漸約結泉臺忽離分
撫棺慟何及執紼徒沾巾素車悲不前白馬行
逡巡徐梁與沈陸謂子山啓舍方一同心人

酒壚誰更過鄰笛誰可聞安得通幽夢髣髴猶
見君

旅舍有感

凝雲唳孤鴻積雨萎百草寒夜浸以長流光逝
何早羈人多感傷濁醪自傾倒厲志愜困窮勞
力媿少小薄依吳市門緬想商山道棲遯苦不
深風塵漫浩、除盪會有期一室誰長掃

秋暮諸子宴集沈氏齋舍有作

故交易離合嘉會須及時置酒屬清夜結契良
在茲疎星粲櫺牖凜零階墀灼、芙蓉花垂條

何紛披勸酬忘主客唱和托壤篋信誓互要束
臭味寧差池緬彼竹林遊俗物徒見嗤七賢首
空羨五君今誰希堅白亮共保清醒奚所疑斷
金意不薄皓首無乘睽露

李弟齋中霖雨

初冬凜代序微霜凝層霄漠、玄雲合颯、悲
風飄密雨急長夜洪潦淹終朝度檻浮落葉決
溜出枯瓢越客易為感並坐鬱無聊對酒情暫
舒披卷愁詎銷平原徒著賦黃門亦行謠時違
歲欲暮幽憂歷所遭白日長晦冥揮戈天路遙

醉後述懷

向夕明星爛獨飲顏欲醜顧此夜未央憂來一
何多孤居抱長歎求耦重咨嗟豈無傾城質窈
凌窈朝霞盛年處幽闥何由接光華翩、游冶
兒黃金賸翠娥百萬誰復惜空篋徒摩娑據床
聊偃卧投珮翻蹉跎坐恐歲月馳二毛日以加
青陽感飛雉白水愁無家粲者苟我匹秦嘉安
足誇

同陳蔡沈許祝查諸君泛澈湖

會吊吳
哀仲

春風一何厲夕陽一何微遠眺極海澨薄游汴

漁磧林岫積翠靄潭渚澄清暉亦有鷗鷺群相
逐高低飛中流頻悵望迴棹仍愁思伊人水一
方今從黃泉歸素交良獨難感逝同所悲山陰
罷來興州門空咏詩灑淚滿湖曲盈、無盡時

擬古別離

別君從此去悠、隔山川浮雲背我馳飛鳥向
我還一身寄萬里風塵多苦顏秋氣颯然至已
覺客衣單望鄉轉阻絕思歸屢長歎空裁尺素
書飛鴻誰為傳遠游同死別已矣涕潸然

東行後期寄二許子

曰余東川遊歸來發長歎燕影度簷墀柳條拂
堤岸晨暉信易遷春華已復晏雨霰互綿密冰
雹轉紛亂舛錯感陰陽憂傷決昏旦緬懷山中
人棲遲柔柔翰丹葩耀故叢翠竹挺新幹林圃
延清娛嘯歌適幽翫對酒豈獨歡掛劍想頻按
遙思托浮鯉極目送征雁展靚雖後時詎隔河
與漢

感懷與山中諸子

竹柏罹嚴霜桑榆停落日流景轉熹微堅幹自
挺出高賢獨振衣志士亦投筆避囂子洗耳養

拙予抱膝壯心阻遠道浩氣悶幽室感情既已
多悲歌諒非同調自相憐何況耽痼疾

欲爾因見石敬之二子待予虹橋後期不

遇悵然有作

爾向河梁遊曉風吹衣裳我乘扁舟至夕星
生光會面竟何及愁心遙相望胡馬交路馳逆
旅徒徬徨駐足不復前車輪轉中腸安得附雲
鴻追尋同翱翔形影成間阻感嘆賦此章

已亥冬日自雲鷲嶺抵永安湖過吳仲木

墓兼飲杜曲精舍暮返黃山即事率成

示同遊許大悔齋

永安湖一名南湖

曲磴何磊砢連巖亦峭清林端烟霧收海畔風
濤戰尋幽路若窮探竒境屢變樵唱彷彿聞漁
艇參差見浴鷺白作群晴川碧成片緬憶南湖
遊曾預西園讌亡琴倍情傷宿草淚空澱

偕諸隱君及敬輿弟集仲木山樓
追念舊遊兩化異物哀可知矣 停策互依徂

旅衣獨延眇陰、荒徑深蕭蕭落葉徧蒼岵雲
在眼紺宇壁當面轉覺囂隔頓忘登陟倦對酒
形神親還山心跡戀偃憇日已曛搖落歲方晏

題陳三爰立小像

我聞謝幼輿畫向岩壑裏竹林一片石陳生宜
置此汝真靜者流風度亦自殊廣穎秀眉目驚
鬢頗有鬢野服何栖遲幅中正瀟灑獨坐豈沉
思容態轉閒雅杜又遜膚清裴楷宛神似丹青
何足湏沒寫工莫比是耶與非耶形影儼相對
左顧右盼間兩兩陳生在

許氏山莊觀梅有感而作呈大辛欲爾兼
寄沈三方稷

早春梅花開我來遊黃山寒冬山色霽梅華又
堪攀人世同逆旅節序相推遷客子百感集羈

愁摧心顏憶昔西溪遊如泛剡中船玉山何朗
朗萬樹瓊枝繁飛花雜烟雨著屐爭迴旋酣暢
窮晨夕傾囊得千錢為樂不可常荏苒屢易年
風景日以異天運方多艱放浪豈足娛幽居增
慨然素交復幾人相憶徒相憐祇須痛飲酒長
對梅花前

懷雲間李四見石

自古愁別離我亦發長嘆山川阻且修眇、音
塵斷投分向素交慷慨伸所願期為汗慢遊跋
履胡足憚約言重殷勤乍別豈羈絆孤踪竟焉

如歲月忽已換遷延生乖睽當稅惜不斷間道
未易乘風潮奔浩瀚遙懷寄短書空望雲中雁
誦彼采芣章憂息極宵旦

偕諸友人登天寧寺浮圖

徘徊窮紺宇迢迢陵丹梯旁眺百里盡下望
群山齊衝颺奔迴盪積氣長淒迷渺渺海上潮來
去無端倪極浦互紆直行雲乍東西孤城隱層
甍遠林蕩廣畦倚欄魂屢逝穿牖肘共携鈴鐸
響不息雀鷓飛何低白毫徒彷彿懸燈照璇題
塵界亮迥隔靈異倘此栖化城任空寂彌天得

階基會當乘虛上逍遙絕攀躋

天寧寺閣眺望

在海鹽
城西

春遊意未疲徙倚向高閣弘敞南對山崢嶸東
負郭溪水既帶環畛陌復綺錯清陰散竹林餘
香吐梅萼雨霽淨浮埃爽然天界廓鷲風四面
來海潮遠噴薄藉茲豁聞見于焉愜栖托世事
迷津梁道心厲立竚搔首發短謠騁望聊自樂

與祝子三首

飄、雲中鴻飛、下海濱徘徊獨容與棲止求
其群嗟余長薄遊流光移冬春適館愜所托傾

蓋多相親之子雅愛客招要展殷勤華棖列綺
席庶羞出異珍飛觴不可算密座皆故人形迹
既已忘語笑開心神習知食辛美自顧非嘉賓
豈謂羈旅子懽讌常得君

我昔尚素交縞紵貽所歡沈陸固卓犖陳許皆

高騫

謂乾初朗思大辛嶺
爾從勇景宣諸君子

與君亦舊好聞殺思

纏綿結交恒相因邂逅已歷年風槩迥凌俗羽
儀何翩、為樂非一方置酒傾十千轉覺氣誼
重爽朗無拘牽迺知取友者瑣鄙何足賢
客愁不可道輾轉生煩傷纏繞約朋好情愔安

能詳逢君義孔篤携手眺高岡群山自迴疊河
水流湯、願謂此形勝卜兆終允臧遊子結永
慕俯仰摧我腸馬鳴豈聞寂牛卧徒渺茫倘能
托一杯明德中心藏瓊玖亮非報叙意于短章

寄虎臣先生兼簡際叔前輩

淒、客遊子歲月無逡巡相去百餘里思歸隔
河津念與君執手各、離情申贈言寓歲諷三
復當書紳悃臆豈易吐腹中轉車輪車輪知己
信自希惆悵心所親竭耒生別怨奄忽涉五旬
下惟著述博何由披高文越鳥戀舊侶野鹿懷

其群之子更阻濶音響安可聞
再、秋節至涼風起白雲會當送飛鴻
目極湖水濱鴻飛倘足因為我存故人

七夕有感三首

落暉歸遠山微月出高樹澹、明河影長空散
烟霧衆星空復繁雙曜獨相遇烏鵲飛摩天為
梁渺何處繾綣憶前期契濶愁暫聚漢水清淺
流丹、雲開曙

巫山有神女入夢徒渺茫瑤臺隱姮娥竊藥祇
自傷鄭生遊漢渚蕭史乘雲翔鳳管香不聞瓊

珮愁空將良儔豈久諧念之摧客腸寧似河畔
星相隔遙相望終然展燕婉歲、為匹雙是知
離絕者不必道路長

昔聞乘槎客道遙獨容與見有一丈夫牽犢飲
河渚天孫詎能識支枕石空取歸問嚴君平始
知犯牛女我欲乘虛遊銀漢隔幾許安得靈鶴
俱翻然附其羽秋夜何迢、愁思向誰語

戲與查柱淳許大辛兼呈李見石

查許二子矜其伉儷微詞寓嘲作為此
詩轉相恢謔孛生久客未歸與余跡同

境異并以貽之

錦水有文鴛雙、宿河洲交頸相娛戲迴波互
沉浮豈知丹山雉耿介難為儔毛羽何陸離翔
步恣自由扶雌非無時朝雌或見求孤鴻出雲
中翩、亦來遊舊侶寧不戀未即返故丘鴛鴦
雖云好徒爾結綢繆何如雉與鴻志趣迥不侔
一鳴忽驚人飛則冲天游緬懷鸞鳳匹延年樂
千秋

南鎮

登封紀軒皇望秩間虞帝喬嶽儼來格明禋凜

往制重鎮有會稽東南遙拱衛千山風雨生萬
樹雲烟蔽前朝巖具禮昭代敷遣祭牲醪薦幽
馨幣璧想深瘞遺碑綠字隱古殿丹楹麗闕寂
魑魅藏彷彿神靈憇形勝鬱盤迴心賞愜覽睇
繇、歸路紆層巒眇天際

遙望余若水先生村居

子真棲谷口淵明卧潯陽高蹈心跡屏磨涅矣
足傷欽君秉幽尚堅貞内含先天運一以移脩
然隱故鄉蓬徑面岩壑華門臨池塘躬耕非所
辭屢空固其常布衣本秦侯牛僧亦漢郎豈不

戀纓弁晞髮愁中腸聞聲阻道里引領佇河梁
窺豹翻霧閉攀龍仍淵藏披覩渺難即溯從安
能忘賸烏念伊人誦彼白露章

稽山門

浴、嶺際雲蕭、溪畔草阡陌遠縈帶哀楊夫
古道越子謀沼吳盾甲堅自保雄畧啟山川霸
業遺城堡言尋郊外遊感嘆精懷抱

壽北山祝翁

名家有耆英布衣恣偃蹇結髮誦遺書壯心亦
甞勉逢世良所難机術一何淺北山可結廬地

僻心更遠放歌豁幽滯獨醒厭沉湎素不嗜壻酒故云壻
前菊免叢翫對聊自遣老去長晏如流光任遷
轉仁者靜且壽此理庶能踐

寄友人

首陽自有薇高山亦有芝采、共盈掬何由寄
所思欲托雲間鴻高舉還相遺緘書繫其足振
翩翩濡遊川途易間阻歲月長睽離願得常執
手食之以療飢

黃母七十初度壽言六首

黃為顧氏女名若璞能詩文著臥月
軒集西園其別墅也有所作記集中

奇璞韞靈岳明珠產重淵鳳山表秀異湖水蕩
澄連鬱、士女藪聚、多便娟繁華安可矜卓
犖庶有傳

蘭蕙何郁芬竹栢本峭清淑媛秉異質婉孌習
文翰麗采艷春葩玄設愜清燕陶嬰歌孔悲左
嬪才足羨

弱笄閟深闈孤燈暖空幃暫為西園遊聊用慰
所思水木迭映蔚樓榭相參差晴雲吐遠岫好
鳥鳴高枝

曉睇耽幽勝逍遙暢閒居植根豈蒲柳流光近

桑榆彤管富篇帙玉樹生堦除安歲情轉慰榮
名樂有餘

陽陸散赫曦薰風清溽暑芙蓉已發池桐槐亦
覆戶嘉彼設悅辰賓朋自容與甘醴溢金樽珍
饌出肥羜

長生孰不慕善頌良所難閨人列文苑令譽多
所宣授簡徧英雋陳詩得高賢願進一卮酒優
游極百年

答別湯子

時子將有
廣州之役

之子居城隅門徑似巖藪竹樹鬱參差名卉亦

多有托興自清幽避囂見所守余也放廢人齒
貌復衰朽逢君結殷勤悃悃互傾剖著書得
異才謂顧允漢所撰方輿記要捐橐藉良友高堂華筵開割
鮮進清酒薄游向海南浪跡亦云偶新詩狂相
遺意旨一何厚吟誦增懷思欲報無瓊玖河
隔天涯鬱結回我首

答別梁丈二首

衰暮將遠適故人察我意贈言規諷多銜戢欣
拜賜洪濤滿江湖沈涉良不易寒水白皚、霜
飈促憔悴縱飲近狂顛危言起猜忌抑戒與賓

筵三復當勿墜

朝出北郭門夕見故鄉樹感嘆向平生禍亂久
流寓少小入楚中曩昔揚州去迨、日南天瞻
望知何處遊子發羈愁居人隔良晤三載亦淹
遲歸來豁情懷

答別金子即和原韻

閉戶三十載何當忽問津遠游非夙願轉憶心
所親王粲曾適楚梁鴻亦去秦五噫與七哀詩
歌昔備陳余也感行役愀歎兼宵晨鼓棹別緒
積把袂離情申筆舌務營葵錢刀詎療貧汎涉

異鄉國寒沍經冬春贈行有之子詩成佳句新
極目南海隅迴首西河濱所居在塘棲一觴聊鎮西小河也
共醉萬里念羈人

獨坐竹廡見落梅作

總見梅花開即逢梅實落春夏須臾間繁英已
非昨綠葉散濃蔭隨風動枝弱黃隕猶遲遲青
青仍自若長條覆屋梁高幹停烏雀幾樹互縈
紆叢竹復參錯籬畔覓墜果林間拾殘穉感此
時物變詩歌聊間作廡下堪娛嬉年、翫梅夢

自慰二首

夙昔常四飯晨暮飽饘粥有蔬無不宜耽嗜復
醴麪今茲服丹丸兀坐愜幽獨粒食屏不御所
戒兼茗蕝清泉駐滿壺斟酌聊充腹闔戶窮謳
思倚案輟誦讀屢起困晝眠獨醒厭夜宿閒觀
沼上魚靜步總前竹豈不患飢虛噉嚼忌欲速
心神非死灰軀體近槁木盡此七日期徐進以
與穀

形憊音漸低羸瘠猶未甚輾轉牀篔簹間所恨不
遑寢嚮者對井泉淥暑意凜、底事滿餅疊宵
晝恣吞飲即此丹藥功鄙人豈不審

雨中對梅有嘆

風搖梅寔綠雨催梅寔黃高枝與曲幹采拾含
餘香河渚叢梅爛盈、水一方自我來幽居梅
林日以長疎影散案帙幽姿遠幃床平生耽賞
徧吟嘯多詞章辛亥後散梅諸首遊蜂樹抄十五
過鳥葉底藏暮景半天碧陰雲初夏涼綠垂易
黃落風雨莫飄揚

與于羨

我欲餌刀圭故人半疑信近狀俄有聞急棹特
相訊手持胡麻膏婉辭歡頻進謂此解膠結腎

腸滑以潤飲之滿杯甌庶幾消疾疾垂老惜餘
生護體夙所慎服丹亦偶然藥物性過峻嘗試
學療飢非將微命殉形瘠心夷然決白等一瞬
感君愛我深吸膏須聽順愧既繼甘蜜和調食
將餒腴澤當有時衰顏擬朝舜

與藝潤于羨兼呈石農

昨旦沈郎別今暮陳生來殷勤故交意問疾互
沿洄迥癯未足憂服餌無嫌猜臆隔少年適清
談雜朝詼灼、庭前榴青、簷畔梅病夫閒倚
榻賢主頻傾杯晤對傍渚曲盼望阻山隈君情

多眷戀予意久依徊養生有正道辟穀然予哉
自疑復自哂媿我非仙才

飲後不寐漫然四韻

昨飲恰半升熟眠踰子夜今夕試倍之轉側卧
偏罷醉醒寤寐間此事無虛借安得似蒙莊魂
隨蝴蝶化

紀事三十二韻呈石農暨藝潤于美二子

兼簡古田

嗟余本弱質年衰幸少疾把酒及授餐大嚼多
羸率神丹可療飢方外傳異術即欲吞服之對

人珠秘密良友意驚疑賤子志專壹巽語翻拒
違拙性任固必丸也大如彈析二以合一當其
初服時撫胸堅以是後此稍飢疲篤信無恐怵
隱几枕我肱據檻抱我膝宵吟伏胡床晝思閉
斗室柔聲與悴顏見者皆憂恤緘口向知交披
肝就親暱入座強笑設登堂偶中櫛絕粒有明
徵立限亦易畢之子進菜羹十甌猶阻室苦茗
間飲嘗頻吸膏與蜜臨廁久且艱一丸始徐出
其一尚留中期已踰二七薄糜不滿杯彭亨輒
數日屏棄煎茶湯勺水抵百盞涼劑客乍投通

利非倉猝腸腹漸寬虛粥飲盡一溢小鮮飲池
魚薄醉傾田林噉飯姑徐、容氣微充食方云
後如欲得食須先飲青菜湯一椀丹丸立下粒
膳以漸復故余意亦以七日為期石農更力勸
穀食遂于第八日至十日共飲菜湯十盞許卒
不得下十一日單飲茗汁餘日則胡麻油蜂蜜
與水雜進相傳茶能解藥油蜜俱通潤腸臟故
也第十八日方得大澁僅下一丸因噉粥少許
輒作五日龜脹惟燕寒水禦渴而已二十三日
梁君燮齋通米石農家余就之診視即用石膏
諸涼藥下之踰一宿復得後澁腹脹漸消其餌
丸之不下者仍如故余置勿問遂漸進粥菜餌
丸取禦饒奇驗故無匹不憊復不羸庶可免窮
詰丹葯服食間笈予未深悉安得逢仙靈吐鍊
究始卒永忘渴與飢延齡體輕佚荒窶莫深愁

人、保寧謚

再絕粒作與石農並示予羨

仲夏逢朔吉高雲開霽天主賓各蚤起日月感
推遷時物出角黍坐對任所便用一僅盈撮食
之腹果然朝糜不能進五內停且堅回首憶童
幼嗜此頗有年十常啖六七再啖仍如前甚矣
吾哀弱胸胃何相懸是日復絕粒三宿猶舍旃
藥葯及檀寔曉暮催調煎方書山查消食相傳
兩用滯積冀消豁屢投急下咽腸鳴氣微泄隔
臟未能穿結塞非無因疲頓覺體孱疑此一丸

在黏秫互糾纏兩者各不化制尅將誰先筦汝
豈為梗終難燕粥饘濁醪與苦薺間飲獨留連

酒間閱太白子夜吳歌春思二首戲和原

韻

春暉蕩游絲春風搖弱枝空閨當此夕重憶合
歡時舞蝶花間戲雙飛遠翠幃

邊關秋氣早萬樹變風聲戍客歸無日非閑汝
薄情粧樓聞唳雁曉夜向南征

誚友三首

昔賢慕真隱往代尊真儒、流既多偽隱者竊

聲譽理道必探本氣節非憑虛力學與勵志品
行兩相須體全用亦具性潔習不污金玉蘊醇
質貞操竹柏俱闇修德日進守身安可渝事跡
在倫紀覈寔難矯誣陋儒仍俗物通隱豈吾徒
襲取依附輩烏能為有無

小才冒大器末學希高賢談議純駁混詞采雜
媿妍勝心與驕態所見多敵偏喜諛忌彊直謬
戾誰繩愆謀食道何在趨勢士已前聞達無時
忘利欲情彌牽品概日以下伊人正足憐
少壯出處異翻矜處士名譬彼求嫁女媒勞一

無成自頽姿首麗薄命徒虛生感憤甘在室車
幣誰相迎待年、不待容落心魂驚誰人并誣
已永夫惟幽貞願以處子老匹配非吾情聞者
駭且疑之子盍自思志節何可假誕妄良足嗤

別渚村宅居一十七首為施隱君石農作

曩者棄市廛携家入河渚願言老是鄉農圃作
儔侶學道性恬然詩懷獨容與乘暇撫素琴向
夕斟綠醕室內治蠶繅呼僮藝禾黍層巒鬱綿
連曲水無深阻步屨林木繁盪舟徧田墅優游
畢餘生幸茲得我所去住復何常誰言非逆旅

張氏有東樓厥初君所住蕭曠恣棲遲四望多
幽趣池沼互迴縈桑竹亦紛布春梅覆檻牕清
馨愜晨暮逸興愛芳菲桃柳種滿路落紅映日
鮮飛白風飄絮樂此頗有年觴咏豁情懷鄙夫
貪且愚變計願君去懷土非夙心笑別不復頽
金錢半棄捐伊人真雅度

當君欲別時村居諸父老聚議共挽留嚮慕滿
懷抱西家有一廛比戶世相保風雨聊蔽除所
恨不堅好隙壤縱無多亦足充營造願為君子
居吾儕同所禱深感父老情別去增悅悞一、

善價沾得鄰即為寶

卜宅先卜鄰草堂更營葺東閣映池流南窓山
影入寒梅月娟、叢篁風習、羣卉遶繁榮落
花俯可拾培蔣各成林庇影閒佇立庖膳饒魚
羹山泉供茗汁貸粟偏村墟家食差堪給為善
易致貧三紀歲將及

昔歲予始見傳經在市門後此重尋訪汎艇來
山村遠戶惟仄徑編籬當短垣堦墀竹樹交琴
書列南軒請君一再鼓曲畫音不繁入境兩幽
寂晤對聞嘉言

相對雖無幾漸覺交情合是年庚戌冬就君度
殘臘山頭霽雪明寒飈吹颯、匡坐絕喧囂閒
行少稠雜嘉蔬紛錯陳醇醴傾壺榼兒孫陪侍
同主賓迭問答媿非南州賢遽下東臯榻王無
功號

東臯子就仲長子光隱
居河渚間故引以為喻

下榻幾經年春郊共遊行尋梅向溪山輕舟互
回轉銜杯醉未迷花徑跡屢踐情深景趣佳吟
咏烏得免構思予亦勞得句爾能善酬唱逾百

篇寄興孰云淺杜老工五言采集獨子春勉子春

集工部句七十二
律皆翫梅所撰

此體庶足傳惜哉知者鮮

知希何足論對梅翻惜別幽居十數樹樹、蒼
前列歲寒吐瓊英時過飛玉屑人皆羨芬芳我
獨賞其潔有似高蹈流標尚厲冰雪君家曩所
栽根幹半如鐵林下陳樽壘賓至無停轍已作
皓首翁不得保居宅負此灌植心更慮遭摧折
三嘆向名花詩成撫爾訣

訣別自有因為爾語顛末昔予流寓初朋來頗
稀澗村舍寂且幽河洲若土窟不謂甲寅春邊
隅驟裂割聲鼓遙相囂事變傳倉卒之子防禍
侵市閭求自脫依倚築樓居移家興難過分宅
懷古賢營構甘斲、落成客寢安主家徒竭蹶
徙住作西鄰內言憤唐突塞耳如不聞隱忍歷
歲月

歷歲未云久此子更作計東偏有茅堂欲為貴

交地多金侷得之彼已覺兩利合債賴朋儔了

此直細事

時適有江陸二子僑住其中也

主人聞是言就我密

誌議曷若將敞廬與渠暫交質半價佐治生儼

直猶易、轉述向夫、笑諾轉稱意所交聽信

深精鏐遠投界

遠界知幾何其數百八十畫以歸隱君情形近

周急若人私欲熾愛此將吞吸輕重羸縮間銖
黍拱掇拾分取什得三手授意猶澁一舉兩有
傷貧欺狙宿習君也默無言所輸視所入減地
僅丈餘尚口翻捷給

口給徒禦人腸曲惟利已宅舍易錢刀世俗紛
如此五載廼常期久者或不爾之子狡計生暮
月復何俟所知有遠者迫促出自彼願君即相
償急售斯可矣信此堪代謀吾意能懸揣慙慙
藉朋徒成言當在通迥公亦貴人安居戀城市
謝絕勿更通沮喪事中止詭變總徒勞那不閉

唇齒遠音竟虛無知者咸笑恥
恥笑固多端財賄何沒、券契問安歸留藏恡
不發所交本富豪視此僅杪忽澹然若遺忘遲
遲經歲月好語向賓師薄力為君竭村舍一紙
存相贈非屑越果爾墮術中俄頃為我物挾詐
與傷廉怪事堪咄、

咄哉嗜利兒自號為儒者園廬思併吞謀畫不
暫捨向友發狂言氣貌殊羸野牝雞助惡聲詛
詈故相惹吾徒有若人豈惟慚大雅

大雅原不易營營計其私險薄近轉甚仁弱夙

相欺此室何自來反若捐已背索祖難惬意待
贖事濡達庶幾轉市鬻得金暢心脾啟遜策亦
遂窮文更有誰長才依机械勝美競刀錐情義
兩弗顧讀書徒爾為

讀書吾黨事要在植其本庶耻莫暫忘禮義須
自反四者一不存去士竟已遠當汝初附居容
辭何委婉君子篤舊交肝腸過繾綣相暱轉相
侵總忘繇閨壺婦言偏聽多冒不少思忖確術
恣兇陵巧猾魚彊狠橫肆終自如天道滿招損
亦知天道遠人事豈所宜置彼勿復道重憶朋

未時沈郎

謂小魯

新閣住檻牖東臨池徐生寓左

廡南向皆編籬歸去爾何急我留長淹遲忍忍
踰十載謂言老在斯主人既舍是客子任所之
締構徒勤若栽護空繁滋梅華疊雪片梅蕊含
冰姿青、綴梅寔盤錯橫梅枝密竹何鬱、高
柳仍垂、景物永睽隔賓主同相思

和施子贊伯春日與友人飲花下六韻二

首

是詩當在答別湯
子前悞錄于此

贊伯詩云春來何所事看花日舉觴新
醅正初熟呼朋還共嘗四序迭遷改慨
然惜流光忘形無尔汝沉飲卧花傍在
昔稱達人莫不耽醉鄉時我且行樂漫

笑老
夫狂

自為渚村客入座酒滿觴黃流識醇醴清濁亦
徧嘗君家有名花色態爛春光並植南軒下或
倚東閣傍愛此林圃趣佳哉山水鄉酣歌意自
適不羨竹林狂

花間筵几設有時停我觴覓句偏難得持醪未
肯嘗對此春景麗兼之明月光宵晝互娛賞飛
花落我傍百杯何足多半醉遊夢鄉夢覺發高
咏須知醒更狂

贈衢州葉明遠隱君七十

此補丙寅歲作

憶昔米河渚論交正及耆迄今隱石塘問年古
所稀志潔性爽豁學道何孽、命哀罹厄亂無
家詎足悲君已無家久安栖異轉蓬謂近依賢從以居情
事願子影偏空橐偏能保固窮覽鏡髮增白傾
危頽乍紅橋頌堪懷疑道遙林樹中君所住名石塘一曰黃埠產橋最夥世俗皆以衢橋稱之語云江陵十樹橋豈必楚為然哉

歲已巳中秋後一日石農過姚氏舊館對

月傾杯笑談娛適生徒列坐互有剖宣
即事賦詩得五言三首見示兼索和章
遂次韻有作因抒鄙感

石農原咏附錄
相與坐中庭
持杯待
明月花影亦蕭疎
風聲自清越
頃覺天壤寬
使我意超忽
形迹兩俱忘
無勞傷白髮
東牆月漸升
素魄皎潔星漢香
然高夜深
群水遊閒
情足怡悅
素為剖說何如
沂水遊閒
情足怡悅
素心戀友朋
幽興耽泉石
對此秋月光
永矢樂今夕
時序迭相催
佳事皆陳迹
好景豈屢逢
浮生應共惜

年踰六十春頻翫
三秋月天際散清暉
萬里連

胡越盈虛固無常
出沒在瞬息
頌影獨驚心
蟾

光射蓬髮

把酒向塔除壺觴
皓且潔微醉復閒吟
興趣何

超絕感舊轉綢繆
稽古細陳說
黃流映金波
老

幼同娛悅

花蓋爛瓶盆散款
列凡石三五二八間
合離異

宵夕

謂石農昨在宅見

家園成廢墟
旅舍多遺

迹滿飲任陶然
分陰倍宜惜

答和金子夜設見贈原韻二首

壬申冬

金子詩 燭跋復燭跋 夜半設不止正
容無雜言 問禮又問史 禮制殊古今史
有公非是先生謂吾能兼許相助理偶
質數大端 岸情奮臂起 聲響如洪鐘 驚
睡惱鄉里 頗云夜笛宿 久矣不聞此 蚤
起送出門 老幼俱睦視

孤踪返舊鄉
屐履冥所止
避人多俗流
知我之

閻史之子氣
詎深論文寧
舍是被對意
懽然飲

醇得妙理，穀核潔且豐。頻欲變色起，清設懷古。
賓高歌，鄙下里。君家客滿堂，乘暇獨來此。形迹
兩相忘，無勞紛指視。居子每過金子家，其左右
平生無寸長，詩興亦將止。迂戇禮法疎，孤陋烏
知史。諮問挹虛襟，聾盲翻類是。沉醉吐狂言，唯
雜少條理。周孔制作傳，聖人難復起。賢哉朱考
亭，筆削繼闕里。閑家儀節詳，後代猶賴此。謂文
及家禮張也，其勉旃。撰述莫輕視。金詩原註余
古禮命名通俗便覽，又商榷續
明史資治通鑑結句，因有此答

七言古詩

憶昔

憶昔湖堤萬楊柳，茫茫落絮飄晴空。銀鞍繡轂
拂長縷，嬌鶯乳燕啼春風。祇今景色西陵暮，蕭
條無復隋家樹。黃塵一片撲人衣，胡兒走馬斷

橋路

方稷客茗中寄懷

我昔到蒼雲，風景似剡川。碧波千頃漾，清淺丹
茫四望紛。迴沿有時乘月孤，棹發髣髴王猷雪。
夜船回首舊遊餘，十載茫茫山水情。黯然故人

托跡復此地空齋偃仰翻稱意幽尋直上浮玉
峯高卧長從眠佛寺太湖之濱多逸民烟波釣
徒堪等倫芒屨竹杖恣放浪讀書談道娛清真
豈無一二論文者何似西陵悲歌人他鄉結客
勿復道我友歸來若不早停雲落月勞相思開
樽那得同傾倒烏程名醞日細斟試比餘杭誰
更好霸先王業今無餘春申故城徒址墟人生
貴盛孰不朽登高閒眺增歎歎前賢棲遯知何
如一坏之土七尺居憑君滿酌樽中酒獨弔山
人孫太初

怨歌行

玉京迢遙凝紫極扶桑東升曜區域忽然天摧
闔闔門靈高欲墜龍車匿魯陽有戈空欲揮夸
父逐景行如飛赤輪沉、落地底一隅倒照何
熹微我聞漢時夜郎王牂牁坐踞心飛揚莊躡
雄驍先畧定滇池千里開蠻方碧鷄金馬神恍
惚彩雲迴翔下點蒼茫、邊徼日入部炎精曠
曠光晝吐野人幽谷眇餘暉滿目氛霧淚如雨

題畫

晴嵐翠靄半明滅斷壁晚巖烏飛絕下有梅花

參差開長條垂、白如雪山中隱者沿溪行幅
野服神貌清閒凜屈幹恣偃仰風吹欲落花
片輕黃頭小童雙徒倚左負書囊右酒罌澱、
流澗生微波沒竹蒼苔映短莎矯首層崖鬱嵯
峨石橋彷彿天台路爾何人分山之阿

轍軻行

予于鏡中初見白髮一莖感而賦此

少小遭轍軻短髮徒蒙茸覆我烏角巾何似當
年容酒酣耳熱不可耐搔首露頂山林中窮愁
漸覺顏憔悴鏡裡分明催涕淚潘岳二毛總壯
齡王掾黑頭非大噐落日空庭朔氣悲蕭、蓬

鬢寒風吹哀歌方罷復長嘯侯河之清當何時
壯心頓欲盡流光寧可攀異日鬢眉還皓白采
芝一曲老商山

送徐子山還餘杭

丈夫志四海飄蕩同無家歸來轉悵望難泛天
邊槎臨安之郡舊帝州吹竽走馬邊閑秋拂袖
吳山但長嘯餘杭美酒空銷愁嗟君此去仍閉
戶余向旅館只起舞杖策揮戈亦已遲胡為蹉
跎留故土

醉後漫成

十載窮愁嬾著書一身落魄慙幽居無家且自
忘羈旅托業何如從樵漁桑榆倒景未邊沒湖
海豪氣安能除只今生計竟何有遣興但須杯
在手自昔徒侶誰相尋結交還須人同心醒時
已狂况復醉慷慨悲歌意倍深

嗚呼行簡沈三方稷

感錢大履誠屠二肇
邵與家仲敬與先後

天歿也

嗚呼人壽知幾何惟娛翻少哀思多親串死別
不再見回首涕泗紛滂沱嗟余尚憶結交始兄
事錢郎及沈子沈子沉默錢郎豪仲氏追隨互

爾汝祝雞詛犬盟會興揮毫拂簡雲霞起一朝
崑山片玉折風流頓盡悲何已烟塵瀕洞復幾
春與君懷舊情猶親西陵渡口慙停憇東海濱
遠終隱淪愛弟此時泣相弔落、三子傍無人
延陵解劍空長吁子敬琴亡淚轉枯死友重泉
還邂逅我輩生存俱窮途嗚呼徐子能不哀骨
肉肝胆安在哉吹塤擊筑寡唱和論文問字慙
徘徊沈子所徵有屠生磊落豈減錢履誠一見
共知意氣合久要更覺心跡清著書滿篋真畏
友家貧落魄魄甘林藪凋謝何堪正少年却怪英

賢同速朽嗚呼英賢同速朽友朋兄弟今能否
向君感慨述舊遊滿眼何人可攜手夢去仍逢
玄冕呼悲來徒對黃公壚

湖上懷沈大甸華

我登湖上峯望君山陰道十月霜飛烟樹寒沙
岼茫、多白草錢塘怒潮高拍天朔風吹徧渡
江船落帆空擬西歸客百里相思獨黯然

東垞山館翫梅歌為許子欲爾賦

君家亭館黃山下山行景物多瀟灑叢竹長松
曲徑深蒼苔白石清泉瀉中有梅花開參差隴

頭贈寄空盈把客子尋春路欲迷主人乘興頻

相携風翻萬點雪片落月照千枝玉樹齊西谿

勝遊竟難再

謂戊戌探梅永興也

東垞幽賞依然在詩就

偏慙水部才粧成却憶壽陽態飛觴拂塵無不
宜與君坐起憑高枝踈影乍將野服映清芬獨
使騷人知蚤春寒雨轉紛、欲折梅花更贈君
孤山古樹今多少歸去重尋處士墳

投筆吟

丈夫投筆起非閑暮封侯俗儒浮沉遯時變沐
猴而冠增人羞憶昔少小負壯氣跌宕文場翻

恣意挾制不從屠沽遊白眼肯將豪貴避萬里
雲霄期致身大隱金門作仙吏愁看風塵西北
來桑田再變山河異兇曹喪馬日狂走獨卧空
林敢廢久閒擁床頭數卷書且盡生前一杯酒
世事茫茫秋復春風吹短髮淚盈巾興來擊筑
悲歌發同調相憐得幾人

飲沈氏齋舍作

十月芙蓉爛窻前花枝入夜含輕烟客子對花
只狂飲香風吹袂還拂簷筵停杯沉吟心陶然
濁酒一壺詩一篇何必餘杭斗十千杖頭那可

真無錢芙蓉之面今安在欲傍當壚更醉眠
長相思

長相思西南隅山河間遠道魂夢徒馳驅牂牁
之郡古狄戎邛竹枸醬蠻女携諸葛揮扇渡瀘
水王褒奉詔祀碧雞使節通罷仍異域天威降
後同群黎昆明習戰竟兇戲鏡吹樓船去如駛
漢家天子擁龍旗伏波下瀨成何事閭闔迢迢
隔九重明、如月雲霧封桂樹婆娑兔影沒端
娥伏匿茫無蹤安得片輪升海嶠清光萬里仍
相逢長相思摧心骨

題龍山三子畫像歌

大許子大辛名灞小許子欲爾名全可
陳子爰立名枚龍山在海寧表花鎮

東海鰲背蕩碧波蓬島湧出高嵯峨遙連龍山
靈氣結其人磊落而英多中有三子發清嘯十
年避世稱同調文采風流祇自憐窮愁偃塞俗
士笈誰揮彩筆寫汝形使我咄、歎神妙落、
大許迥絕倫性骨骯髒不可馴狂來擲却頭上
巾竹皮作冠顏鬢悴倚鋤佇立愁逡巡小許温
粹真醇儒體貌亦非山澤癯科頭凝盼捋其鬚
園圃逍遙逸典殊林下應共羣賢醉宅邊何可

一日無雅度翩、有陳子蚤歲聞道窮名理幅
巾飄洒神貌清端坐披衣琴在几乍彈遽罷適
意止陶令曠達昔如此頻年相見轉相親公等
俱是蓬蒿人丹青刻畫高士狀一丘一壑長置
身何須畫像向麟閣虎溪之圖情態真我從哉
綵認顏色更逢設笑開心臆眼前形影皆舊識
語君此像莫藏匿便欲携歸掛東壁對之坐卧
消白日酒酣試呼三子出把臂同遊竹篠中鼓
琴荷鋤恣棲逸

青蓮禪舍醉歌

間對青蓮寺忽憶青蓮鄉神僧放花術本幻譎
仙揮毫才莫當笑我獨坐向空寂禪心杳渺無
津梁且從淨域恣狂飲蜂鉢賦詩夜未央供奉
竟何在澄公亦已亡安得臨水洗此腸筆底吐
出青蓮香

王生圖余行像感賦長句

我年三十餘冉冉老將至襟抱久鬱塞顏色轉
憔悴有時照鏡撫頭顱短鬢蕭騷頰落淚七尺
昂藏空爾為相君之面非大器王生夙昔工丹
青因圖余貌問余意余也相對聊劇談藉君筆

墨恣游戲隻眸閉神明彷彿近虎視

相者曾以
虎目相擬

刻畫慙無新息容點定須擅長康枝其他形體
不足論獨有須眉頰布置我欲身披紅錦袍角
巾垂纓間遶遶旁侍圍人牽駿馬奚奴兩、提
方刀仰天凝眺長佇立執鞭在手情態豪倘能
形似便精妙邇易傳情神稱逼肖真使徐郎問
口笑

同欲爾登靈鷲峰觀海放歌

羣峯突兀勢若奔嶮岩之石龍虎蹲似有神人
鞭使起欲化真龍飛入水不然變虎踞靈山騎

出列仙青冥間。惟我與爾戲其側。振衣揮手開
心顏。下觀滄海浩茫。沐日浴月生精光。百川
朝宗無時忘。便欲排空破浪去。蓬萊宮闕長徬
徉。我聞三山風怒不可止。十洲窈冥隔萬里。跨
鯨乘鶴天路難。落日停雲愁從倚。長嘯一聲歸
去來。松林月上明於綺。相對依然巖石裏。

題文衡山先生畫山房圖長歌

吳中名流十數公。衡山先生最高蹈。大隱金門
豈。歲星文采縱橫從所好。工書曾擬王右軍。巧
藝欲敵戴安道。本朝以來推擅絕。真跡曼絕無

人到我觀此圖。筆墨清運思布勢。無留行筴見
層巒峭壁落天半。疑是峩嶷聳亘連。赤城遙望
空翠乍明滅。高枝縹緲烟雲生。下有孤松幹盤
曲。梧竹飄搖蕉柳綠。其他樹色轉翳然。紅白蕭
疎花亦足。翩、隱者流道逸向茅屋。神貌自爽
朗。衣冠豈拘束手。携一卷靜焚香。几榻孤清媚
幽獨。緗帙縹囊紛滿架。主人坐處當其下。軒楹
虛敞映綺疏。編籬疊石相低亞。一鶴立階前。羽
儀何翩躚。那不食芝草。飛去濯清泉。我欲驅使
舞。驚起野鹿眠。二物本仙禽。苔岑恣流連。平波

橋微波漾空碧爾米一似神仙客形態彷彿野
服閒側弁左頤遊興劇呼童抱琴隨所之彈出
高山流水莫更遲不然試作別鶴吟直使千岩
萬樹揚清音風颺、分欲起雲澹、分長陰山
房勝蹟滿匹練恍惚靈境堪幽尋東垞許子藏
畫久掛向高堂對林藪徐生亦是山中人布毳
坐視只搔首名下無虛漫品題安得附公傳不
朽吁嗟公方真不朽

題陳子潮生小像

爾本山林人骨貌自清古昂首修幹銳其頤道

氣冲融見眉宇不須粉繪方寫照毫端沒掃偏
入妙凝眸微眄色怡然風神欲動如含笑閒著
幅中披緼袍端拱兀坐心陶、豈更妍媸閑四
體祇應儻朗益三毛像画少須
數莖故及竹枝搖曳多幽
趣寒山片石留君住咫尺之內聊自娛我欲尋
君從此遇

欲爾屬賦雪山圖

朔氣蕭森陰風烈長空黯澹愁雲結疊嶂迴巒
三尺雪天外寒光乍明滅玉宇冷然萬里徹無
邊落木差參列瑤林滿眼皓且潔檜栢青蔥尤

秀傑根株盤錯堆瓊屑倒壓喬松枝欲折龍鱗
銜照鮮皮裂遙望懸崖勢噉嶼樵夫兩、出岩
穴石燈遠迤千百折下有隻扉畫常閉齋依稀
翠幙翻高揭有客沿溪情興別灞橋策蹇步蹶
躓奚奴負杖豈乘橈鐫入聲語汝泥行莫蹉跌衡
山先生真畫絕指揮滕六無停輟毫端飛白天
工泄林岫微茫水寥穴欲霽不霽景淒切吳江
如練空澄澈匡廬瀑布比猶劣是日許生樽酒
設滿座賓朋正酣熟新展此圖色凜冽梁園授
簡孰工拙我作郢歌君擊節

觀魚歌為許子大辛作

黃山隱者池塘幽閒居畜魚千百頭晨呼漁子
蕩舟入柳鳴投竿不少休須臾舉網出波底捕
得鯨鱈與鯉鯉豈無健者思脫逃跳躑顛狂還
復止亦有小鮒未尺半投放中流難恣笑爾能
料死不料生掉頭搖尾各深竄有客逍遙觀水
嬉主人歡笑坐臨池玉鱗銀鬣滿舴艋霜刀雪
片堆琉璃急烹鮮鱠佐清酒一飲三升何足辭
對君醉向君泣神龍失水嗟何及况彼魴鱖輕
出入波濤浩、空拂鬱仰天安得風雨來飛騰

豈復池中物

淮守穉則許公行像引

公家於海寧之黃山有東垞
西垞別業自號兩垞外臣

兩垞外臣五十餘黃山之下長幽居器宇融怡
貌有道布置鬚眉何蕭疎是時畫史曾波臣為
公寫照如有神頭頂脫露羊身隻瞳凝眇惜矣
頰以手撫膝屈其股怡然獨坐陶天真衣冠瀟
灑方外客彷彿神仙在林澤遙望翠靄落層岩
松枝披拂高千尺上有茅亭不可攀下有曲澗
波潺湲靜聽流泉松石間公乎公乎開心顏

與許查二子暮抵鍾氏館舍訪蔡君上生

醉宿短述

尋訪本來興風雨何足愁向暮館宇寂披襟展
綢繆主人好客傾中廚醇醪一斗相歡娛高談
雅譔無不有戲擲五木爭梟盧春城子夜漏聲
低入夢須臾聞曙雞却笑狂生翻困卧餘酣更
欲漱清溪

飲張元岳先生梅花書屋歌

君家床上書連屋牙籤萬卷娛幽獨屋角梅花
一樹斜短葉長條映疎竹先生讀書常閉門有

時宴客傾芳樽陳君許子皆舊好大乾初余也乍
交情弥敦銷暑不殊河朔飲臙雞膾鯉羅盤珍
落魄相逢逢悲喜興酣四座雄談起七十老翁
神矍鑠胸懷吐豁無塵滓遊世常希石戶農藏
身却羨巢居子花間板屋近巢居老去看花更
擁書主人吟嘯本曠適揚州東閣寧足如彼美
陸生余所慕藻思翩、工作賦為君把誦心顏
開况復風流擅毫素冰修為作梅花書屋賦頗
工其筆體亦極雋逸有致
連宵歡讌玉山頽擊筑高歌媿短才藏書未得
窺大畧坐起傍徨對落梅那能六月飛花忽如

雪仰視屋梁影披拂清芬未隴頭驛使豈應絕
羅浮魂夢徒增哀明年應待春梅發同到花前
待舉杯

昨歲行至陸景宣舅氏兼寄句華宇台方
稷宏度拒石諸君子

昨歲東遊黃山址早秋颯、金風起是時北固
作戰場軍聲飛渡三江水
中夜酣呼對友生漸
看收復舊神京何期消息一朝變壯懷鬱塞真
不平嗟余流寓忽經年逢君往返頻周旋有時
劇飲長安市和歌相弔還相憐更憶故人感憤

同閉戶咄、仍書空會面共驚顏髮悴綢繆輒
復披心胸驅車何限窮途哭况是羈棲形影獨
遠道懸知有夢通東海之畔西湖曲只今風景
又驚秋愁向空山感昔游安得樓船明組練提
兵再下南徐州祖生擊楫總吾徒繞朝贈策無
人無昨歲今年時易徂歸來別恨不須道且與
諸公醉酒壚

懷徐隱君子山讀書經山

人生不得志所歷多窮途但須落拓且自適安
能低肩向庸奴世態輕薄豈足論翩然西歸豁

方寸閉戶空山又幾時讀書千卷當奚疑興未
更進餘杭酒塊壘頻沈君醉否

寄敬修宏度兼示同郡沈生

徐生欲作江湖遊沈郎兄弟情綢繆置酒相邀
曾餞別故人偕飲恣娛悅驪歌唱罷重淒、長
夜不眠聞曙雞臨岐掩涕各眷戀浪跡何須楚
水西楚水吳山行路難欲行且止悵盤桓去鄉
百里還寄寓主人情重常加餐旅遊容易年華
度杜宇催歸恰春暮相違與爾更啣盃醉來往
往論詩句攜手苦稀分手多河流東逝叩舷歌

轉眼涼飈奪炎熱入秋有客悲如何堤畔芙蓉
香未歇知君同泛西湖月相思擬向夢中尋半
路空返愁余心

懷友人

故人別我忽踰年三月春深啼杜鵑我思故人
隔遠道早秋風起吹芳草、色萎、客未歸鵲
啼渺、涕沾衣相思那得書頻寄一別生憎鯉
雁稀

蕭山夜發抵錢清梅市道中蚤抵西郭門

外

梅市有祁世培中丞別業

秋風古渡口郊墅餘衰柳戴星感竊客泛月携
良友越人擁楫歌聲遲百里津梁未覺疲卧遊
直上山陰道何似玉畝雪夜時南昌仙尉昔棲
逸一錢太守真無匹清江澄澈市門幽把酒臨
風空歎述更憶祁公舊亭榭穿池幾曲哀湍瀉
渺、忠魂何處歸祇有荒園閉長夜北斗橫斜
河漢低苦竹城邊叫曙雞千岩萬壑推蓬看烟
霧蒼茫越水西

柳橋弔王先生之趾

弘光之初國運盛高廟神靈聞夜哭胡兵南渡

斷江流半壁神皋如破竹於越諸生王翫蒼浩
氣激烈中心悲青衫不盡窮途淚卓帽原非避
地時柳橋之水何瀾、奮身躍入清流裡汨羅
片石膏江潮千秋忠憤同強死我思夷叔曾采
薇登彼西山長苦飢更有魯連恥帝秦東海之
濱欲長逝布衣有志安可奪公卿蒙面多存活
左社椎結罪通天翻笑儒生過迂濶嗚呼儒生
恨莫消滿眼烟塵戎馬驕越中義旗不再舉可
憐城闕秋蕭條弔君空向溪邊水魂魄猶應戀
柳橋

倪司農廢園感述

憶昔本朝全盛年東南冠蓋紛馳遊李倫梓澤
辟疆園豪華侈風流在人目倪公磊落廊廟才蚤
歲拂衣歸去來形骸放浪恣寄托栽花疊石營
池臺西樓彫榭層雲上一觴一咏供幽賞跌宕
堪驕萬戶侯栖遲自號五湖長詔出明光更拜
官雍容車騎入長安韜鈴錢穀膺重寄老臣鞅
掌心力殫漢家厄運邁百六黑山青檣橫相干
烈帝龍髯墮鼎湖公策箕尾遙追呼舊君宮闕
委塵土可憐戎馬爭馳驅海水桑田又幾秋名

園零落對荒山燕泥自成空梁落珠網長封曲
徑幽應有忠魂夜悲啼冠裳慘沒還來遊此日
登臨增歎息盛衰反覆皆陳迹東山寂寞蘭渚
虛凭弔空傳王謝宅

代壽海寧祝翁

南極老人星下照東海濱海濱有逸叟棲遲七
十春携杖行歌意自適鬢髮蒼顏烏角巾春花
爛熳春草綠堂前上壽列衆賓我欲歡若酒君
飲莫更辭襄陽耆舊半凋落開元父老今有誰
眼前歲序同流水轉憶先朝少壯時

書